

CHACHAJIJ AWIB' CHI UWACH LE YAB'IL AVIAR H5N1

¿ Jas kab'ano we kana'o atyowab'?

Ronojel q'ij chawila' ri a utzwachil, xuquje' we ab'anom ronojel taq ri taqanik rech ukojik le chakub'al rech uchajixik ib'. Qas katab'ej ri nab'alil rech ri yab'il:

- Kaq kub'an ri b'aq'wachaj (conjuntivitis)
- Wene k'o at'ixnab' pa taq le jek'b'al uxlab'
- Neumonía che rajawaxik kak'am b'i jun pa jun ja kunanib'al
- Q'aq' (q'aq'tewal rech 100°F [37.8°C] o man xa taj) o wene b'irb'atik
- K'axqul
- Q'oxom qulaj
- Kkalow atza'm o tz'apital atza'm
- Q'oxom b'aqilal o ch'akul
- Taq q'oxom jolomaj
- Kosem
- Karaj na awuxlab' o man katkowin taj kajek' awuxlab'

Etal xuquje' nab'anem ruk'a'am torotajem pamaj, xab'em, o b'irb'item.

We kana' nik'aj chi nab'alil rech ri yab'il are taq katchakun kuk' awajib' kiriqom ri yab'il, o nik'aj chi k'ayij o jastaq ilom che k'o ri yab'il chech, xuquje' pa taq ri 10 q'ij chi rij ri uk'isb'al uk'utunsaxik:



- Chatk'ol chi uwach ri ja k'olib'al xuquje' man katk'o'ji' ta kuk' ri e nik'aj chi winaq k'a kaweta'maj na we ariqom ri yab'il aviar H5N1. We ariqom ri yab'il aviar H5N1, chatk'ol chi uwach ri ja xuquje' katk'o'ji' ta kuk' ri e nik'aj chi winaq k'a katutzir na.



- Chab'ij chech ri q'atul chak o ya'ol kunanem, che are' keyo'w apan ub'ixik pa le wokaj rech utzwachil estatal/ajwaralik.



- Le wokaj rech utzwachil kuya ana'oj chi rij nik'aj taq ok'owib'al rajawaxik kab'ano xuquje' rech kakib'an jun k'amb'ejanem chi awech chech rilik le yab'il aviar H5N1.



- Jun ya'ol kunanem utz kutz'ib'aj ri kunab'al rajawaxik chech ukunaxik le yab'il (kunab'al antiviral). Sib'alaj rajawaxik kab'ano ri kab'ix chi awech chech utijik taq le kunab'al.



U.S. CENTERS FOR DISEASE CONTROL AND PREVENTION

CS351866-L

CHAQ'AXWACHIB'EJ
CHECH URIQIK NIK'AJ
CHI USAQIL TZIJ →

